



UTM
UNIVERSITI TEKNOLOGI MALAYSIA

ULRS1032 - KURSUS INTEGRITI DAN ANTI-RASUAH

SEKSYEN 18

SEMESTER 1, 2023/2024

TUGASAN MODUL 2

LAPORAN KAJIAN KES

PENSYARAH: DR. RADHIAHTUL RAEHAN BINTI MUSTAFA

TARIKH PENGHANTARAN: 30 NOVEMBER 2023

NAMA	NO. MATRIK
NUR AINA BALQIS BINTI MOHAMAD ZAPARIN	A23CS0151
NURAI SYAH BINTI MOHD ZIKRE	A23CS0160
KRISTINE ELLE BENJAMIN	A23CS0095
LEE JIAN AI	A23CS0234

ISI KANDUNGAN

Pendahuluan.....	2
Penerangan Tentang Kronologi Isu Tersebut Boleh Terjadi.....	2
Insiden Kritikal.....	3
Objektif Kajian:.....	3
Kajian Literatur.....	4
Konsep - Konsep Integriti dan Rasuah.....	4
Perbandingan Isu Integriti Dan Rasuah Dalam Konteks Negara Dan Global.....	5
Metodologi.....	7
Responden Kajian.....	7
Kaedah Pengumpulan Data.....	7
Dapatan dan Perbincangan.....	8
Kesimpulan dan Cadangan.....	11
Senarai Rujukan.....	13

TAJUK: Palsukan Ijazah untuk Dapat Kerja

Pendahuluan

Latar Belakang Isu

Seorang pengurus kilang didakwa atas tuduhan memalsukan ijazah sarjana muda dari Kolej Islam Antarabangsa, Kuala Lumpur, dengan niat untuk memohon jawatan Timbalan CEO di sebuah kolej. Tertuduh dituduh di bawah Seksyen 471 dan mengakui kesalahannya pada tahun 2011. Akhirnya, tertuduh dihukum dengan denda sebanyak RM 20,000.00.

Penerangan Tentang Kronologi Isu Tersebut Boleh Terjadi

Bekas pengurus kilang pada awalnya ingin memohon jawatan Timbalan CEO di sebuah kolej. Dalam usahanya untuk meningkatkan peluang diterima, dia memilih jalan pemalsuan dengan mencipta ijazah sarjana muda palsu yang didakwa berasal dari Kolej Islam Antarabangsa, Kuala Lumpur. Pihak berkuasa, yang mungkin memulakan penyiasatan menyeluruh terhadap pemalsuan ijazah. Proses penyiasatan melibatkan pengumpulan bukti dan mungkin melibatkan kerjasama dengan Kolej Islam Antarabangsa untuk mengesahkan keaslian ijazah dan maklumat akademik yang diberikan. Sekiranya terbukti pemalsuan ijazah, pihak berkuasa kemungkinan akan mengambil tindakan undang-undang kepada bekas pengurus kilang tersebut.

Dalam pencarian bukti kukuh yang dikumpulkan semasa penyiasatan, bekas pengurus kilang akhirnya mengakui kesalahan yang dilakukannya pada tahun 2011. Pengakuan ini mungkin memberi impak besar terhadap perjalanan kes yang dilakukan.

Kes ini kemudian dibawa ke mahkamah bagi perbicaraan yang lebih lanjut. Bekas pengurus kilang tersebut didakwa di bawah Seksyen 471 di mana hakim memutuskan untuk menghukum bekas pengurus kilang dengan denda sebanyak RM 20,000 sebagai hukuman atas pemalsuan ijazah tersebut. Keseluruhan proses ini jelas mencerminkan bahawa pada tindakan pemalsuan dokumen akademik bagi seseorang individu tersebut dan memberikan peringatan tentang tindakan undang-undang yang bakal dihadapi oleh individu yang terlibat dalam aktiviti serupa.

Insiden Kritikal

Kes pemalsuan ijazah ini mempunyai beberapa faktor yang menyebabkan bekas pengurus kilang tersebut bertindak sedemikian, termasuk tekanan untuk mendapatkan jawatan yang memberikan gaji yang tinggi. Ketamakan seseorang atau tekanan daripada kecemasan dalam kewangan akan mengakibatkan individu tersebut untuk melakukan tindakan yang paling berkesan dalam keadaan tersebut, tetapi ini tidak bermaksud tindakan tersebut berintegriti dan amanah. Hal ini dikatakan sedemikian kerana seseorang itu bertindak hanya untuk kepentingan diri sendiri yang berkemungkinan memberi kesan kepada individu yang lain.

Kemudian, individu yang tiada keinginan untuk menuntut ilmu demi menerima ijazah sarjana muda dari Institut Pengajian Tinggi (IPT). Golongan sebegini berkemungkinan orang yang sudah mula bekerja dan ingin bersaing untuk mendapatkan jawatan yang lebih tinggi, tetapi sedar akan kelayakan sendirinya tidak mencapai syarat kelayakan jawatan. Selain itu, kelonggaran hukuman dan penyiasaan juga merupakan salah satu faktor kes ini berlaku. Mereka yang memalsukan ijazah ini telah melakukan perbuatan sedemikian dengan penuh keyakinan bahawa ijazah palsu tersebut tidak akan disemak dengan betul serta tidak bimbang tentang hukuman yang akan diturunkan jika perlakuannya terbongkar, di mana mereka yakin bahawa mereka tidak akan tertangkap.

Objektif Kajian

Berdasarkan topik kajian yang telah dipilih, kajian ini dilakukan bertujuan untuk mengenal pasti kesan-kesan kepada negara dan sekeliling berdasarkan isu rasuah yang berlaku iaitu pemalsuan ijazah demi mendapatkan pekerjaan dalam mana-mana sektor kerajaan mahupun swasta. Malahan, kajian ini juga bertujuan untuk memberi pendedahan kepada mahasiswa dan mahasiswi tentang kewujudan isu ini agar mereka tidak terkesan dengan isu ini. Hal ini dikatakan sedemikian kerana lepasan graduan universiti mungkin akan menghadapi kesukaran untuk mendapatkan mana-mana pekerjaan dalam mana-mana akibat daripada persaingan yang sengit.

Bukan itu sahaja, mereka juga berkemungkinan untuk melakukan kesalahan yang sama akibat daripada desakan daripada orang-orang sekeliling untuk mendapatkan pekerjaan yang menyebabkan mereka sanggup melakukan apa sahaja. Oleh hal yang sedemikian, pendedahan awal kepada para mahasiswa dan juga mahasiswi amatlah penting agar mereka dapat

mengelakkan diri daripada melakukan kesalahan yang sama. Bukan itu sahaja, jenayah rasuah turut dapat dikurangkan dengan memberikan pendedahan awal kepada mahasiswa dan juga mahasiswi.

Kajian Literatur

Konsep - Konsep Integriti dan Rasuah

Sifat integriti dalam diri menjadi tunjang kepada kecemerlangan dalam masyarakat dan juga komuniti. Oleh itu, menanam sifat integriti dalam diri, keluarga, masyarakat dan organisasi adalah penting dari segi pengukuhan negara bangsa. Pembentukan dan pembangunan integriti merupakan proses yang berterusan dimana ia bermula dengan pendidikan awal di rumah, diikuti dengan pengukuhan integriti di sekolah dan seterusnya di alam universiti, komuniti dan organisasi. Sifat ini terbentuk secara berperingkat dimana ia dibina secara beransur-ansur dan sentiasa diperkukuh dari masa ke semasa. Selain itu, integriti merujuk kepada kualiti moral dalam proses tadbir urus yang kritis untuk menjamin kesahihan dan kredibiliti kuasa (Huberts, 2018). Di era kini, penekanan terhadap makna integriti semakin meningkat malah ianya juga penting untuk mengkaji konsep ini dari pelbagai perspektif. Contohnya dari segi kepimpinan, peribadi, kepimpinan manusia, dan budaya.

Aspek kepimpinan dilihat sebagai usaha untuk memimpin dengan integriti demi memastikan komunikasi sentiasa berlaku secara terbuka dan jujur pada setiap masa terutamanya dalam perbincangan yang berkaitan dengan membuat keputusan (Pillay, 2014). Manakala, tadbir urus manusia dianggap sebagai salah satu cara untuk meningkatkan kebolehan dan kemahiran individu serta memperkukuh integriti dengan menjalinkan hubungan dengan elemen luaran (Arfah & Anis, 2019). Dari segi peribadi, integriti mencakupi aspek etika dan moral dalam penyediaan perkhidmatan yang terbaik (Musa et. al 2018). Budaya integriti, pada hakikatnya, bersandar pada nilai murni dan etika dan ia bukan saja berperanan dalam mengekalkan persekitaran kerja yang sihat, tetapi juga sebagai langkah pencegahan terhadap sebarang tingkah laku yang tidak baik (Megat Ayop & Abd Halim 2016).

Dalam konteks bekas pengurus kilang, integriti melibatkan kewajaran dan kejujuran dalam menyediakan maklumat akademik dalam permohonan pekerjaan. Misalnya, kesalahan pemalsuan ijazah mencerminkan kurangnya integriti dalam diri kerana individu tersebut bukan

sahaja menyalahi undang-undang tetapi menyalahi nilai-nilai kejujuran dan kepercayaan. Integriti penting dalam menjaga kepercayaan masyarakat, organisasi, dan sistem keadilan.

Rasuah merujuk kepada amalan menerima atau memberi sesuatu yang bernilai dalam pelbagai bentuk seperti wang, hadiah, atau perkhidmatan dengan tujuan mempengaruhi tingkah laku individu atau pihak yang memegang kuasa (Akta Suruhanjaya Pencegahan Rasuah Malaysia 2009 (Akta SPRM 2009) (Akta 694)). Tindakan ini biasanya dilakukan dengan niat untuk memajukan kepentingan peribadi atau kumpulan tertentu secara haram atau tidak bermoral. Rasuah boleh berlaku dalam pelbagai bentuk, termasuk dari segi politik, korporat, dan peringkat individu. Isu ini memberi kesan serius kepada masyarakat dan institusi. Di peringkat masyarakat, ia dapat menyebabkan ketidakadilan, kesenangan yang tidak seimbang, dan memperkukuh ketidaksetaraan ekonomi dan sosial.

Rasuah juga merosakkan integriti sistem politik dan ekonomi, meruntuhkan kepercayaan rakyat terhadap pihak berkuasa, dan menghalang pembangunan ekonomi yang mampan. Dalam konteks yang diberikan, rasuah mungkin tidak diterapkan secara langsung namun pemalsuan dokumen untuk mendapatkan pekerjaan boleh dianggap sebagai upaya untuk mendapatkan manfaat dengan cara yang tidak jujur. Contohnya, pemalsuan ijazah merupakan salah satu bentuk penipuan yang akan mempengaruhi proses pemilihan pekerjaan.

Tindakan ini boleh dianggap sebagai cubaan untuk mendapatkan kedudukan atau peluang pekerjaan dengan cara yang tidak sah. Rasuah dan pemalsuan dokumen merosakkan kepercayaan dalam sistem, merugikan calon yang lebih layak, dan memberikan kesan negatif terhadap integriti institusi dan proses. Dalam kes ini, menilai konsep-konsep integriti dan rasuah membantu kita memahami mengapa tindakan pemalsuan dokumen menjadi salah satu isu yang serius yang memerlukan tindakan undang-undang secara segera dan penekanan terhadap nilai-nilai moral dalam masyarakat dan organisasi.

Perbandingan Isu Integriti Dan Rasuah Dalam Konteks Negara Dan Global

Isu integriti dan rasuah memiliki implikasi yang signifikan di dalam konteks negara dan global. Sebelum kita menyelam lebih dalam tentang perbandingan isu integriti dan rasuah dalam konteks negara dan global, saya akan memberikan definisi untuk integriti dan rasuah terlebih dahulu. Mengikut kamus dwibahasa Dewan Bahasa Dan Pustaka (DBP) 1985, integriti membawa maksud “kejujuran dan ketulusan”. Integriti adalah himpunan kualiti unggul yang

wujud dalam kalangan individu dan kualiti ini berteraskan kepada prinsip berpegang teguh kepada kejujuran dan amalan bermoral tinggi. Manakala, rasuah merupakan satu bentuk penerimaan atau pemberian suapan sebagai upah atau dorongan kepada seseorang individu kerana melaksanakan atau tidak melaksanakan sesuatu perbuatan yang berkaitan dengan tugas rasmi. Suapan boleh merangkumi wang, hadiah, bonus, undi, perkhidmatan, jawatan, upah, dan diskaun.

Isu integriti dan rasuah merupakan dua aspek yang memainkan peranan penting dalam konteks negara dan global. Dalam konteks negara, isu integriti melibatkan kejujuran dan kepercayaan dalam pengurusan kerajaan serta institusi awam. Ketidakpatuhan terhadap prinsip integriti boleh membawa kepada masalah seperti penyalahgunaan kuasa di peringkat tempatan, yang secara langsung merugikan rakyat dan merosakkan imej negara.

Sementara itu, isu rasuah juga menjadi cabaran serius dalam konteks negara. Rasuah merujuk kepada amalan memberi atau menerima suapan untuk mempengaruhi keputusan atau tindakan seseorang. Amalan ini boleh menyebabkan penyelewengan dalam pengagihan sumber dan pelaksanaan dasar, memberi kesan negatif kepada pembangunan negara dan kesejahteraan rakyat.

Di peringkat global, isu integriti menjadi aspek yang penting dalam hubungan antarabangsa. Negara yang menjunjung tinggi integriti dianggap lebih dipercayai dalam perjanjian antarabangsa, perdagangan, dan kerjasama antarabangsa. Kejadian ketidakpatuhan terhadap prinsip integriti boleh mencetuskan kebimbangan di peringkat antarabangsa dan mempengaruhi imej negara.

Sementara itu, isu rasuah juga mempunyai kesan global. Rasuah boleh menghalang pertumbuhan ekonomi global dan mencetuskan ketidakstabilan politik di sesetengah negara. Selain itu, dalam konteks perdagangan antarabangsa, rasuah dapat mencetuskan ketidakadilan dalam persaingan ekonomi antarabangsa dengan mempengaruhi keputusan suatu bisnes.

Dalam menangani isu integriti dan rasuah, kerjasama antarabangsa memainkan peranan yang penting. Hal ini kerana negara-negara perlu bekerjasama untuk memperkuat sistem integriti dan memerangi rasuah secara berkesan. Ini melibatkan pertukaran maklumat, kerjasama dalam penyiasatan, dan melaksanakan pendidikan dan latihan kepada kakitangan awam.

Secara keseluruhannya, isu integriti dan rasuah memainkan peranan penting dalam mempengaruhi pembangunan negara dan hubungan antarabangsa. Keupayaan sebuah negara

untuk menangani kedua-dua isu ini dengan berkesan akan memberikan impak positif kepada kesejahteraan rakyat dan imej negara di peringkat tempatan dan global.

Metodologi

Responden Kajian

Responden yang dipilih bertumpu kepada pelajar-pelajar Universiti Teknologi Malaysia (UTM) yang berumur dari 19 hingga 24 tahun. Hal ini demikian kerana kumpulan ini merupakan pelajar-pelajar yang sedang menuntut ilmu demi mendapatkan segulung ijazah peringkat Ijazah Sarjana Muda. Oleh itu, jika mereka tidak dapat menamatkan pelajaran dengan lancar, kes memalsukan ijazah ini berkemungkinan tinggi akan dilakukan oleh pelajar-pelajar yang tidak ingin untuk berusaha lagi. Maka, pendedahan awal sangatlah penting untuk kumpulan responden ini. Soal selidik kami adalah berdasarkan soalan yang berkaitan dan perasaan pelajar terhadap kes tersebut telah dikaji. Maklumat-maklumat peribadi yang telah diterima dalam borang soal-selidik hanya sekadar untuk memastikan tiada pengulangan responden dan tidak akan disebar untuk menjaga hak peribadi responden.

Oleh sebab soal selidik kami bertumpu kepada para pelajar UTM, kami telah memastikan soalan adalah padat dan mudah untuk difahami. Dengan ini, kami dapat mengelakkan para responden berasa bosan untuk menjawab soalan kaji selidik yang telah disediakan dan sehubungan dengan itu memastikan para responden dapat menghantar borang yang telah dilengkapi oleh mereka. Hal ini dikatakan sedemikian kerana menurut pemerhatian kami, para pelajar memilih untuk mengisi borang soal selidik separuh jalan jika terlalu banyak teks untuk dibaca dan hal ini akan menyebabkan kami tidak dapat untuk menyiapkan laporan kajian kami.

Kaedah Pengumpulan Data

Instrumen pengumpulan data yang digunakan ialah penggunaan borang soal-selidik dimana kami menggunakan Google Forms dalam penyediaan borang. Hal ini demikian kerana platform Google Forms bukan sahaja memudahkan kami untuk menyediakan soalan dimana sahaja namun platform tersebut juga dapat memudahkan kami untuk menyebarkan soalan kaji selidik kepada para pelajar. Setelah menyemak dan memastikan borang soal-selidik tersebut tiada


sebarang kesilapan, kami juga memastikan soalan tersebut tiada sebarang kekeliruan untuk para responden memahaminya. Seterusnya, kami menyebarkan pautan borang soal selidik melalui platform sosial media seperti Whatsapp, Telegram dan Instagram kepada para pelajar.

Dapatan dan Perbincangan

Berikut merupakan hasil daripada dapatan kajian yang telah kami peroleh berdasarkan soal kaji selidik menggunakan platform Google Form.

Umur:


50 responses



Rajah 1.1

Pernahkan anda mendengar tentang sebarang kes rasuah seperti yang di atas sebelum ini?


50 responses



Rajah 1.2

Apakah perasaan anda selepas mengetahui kes rasuah sebegini berlaku di sekeliling anda?


50 responses



Rajah 1.3

Kepentingan integriti dan anti-rasuah dalam kehidupan kita:


50 responses



Rajah 1.4

Apakah faktor utama yang menyebabkan seseorang memilih untuk memalsukan ijazah demi mendapatkan pekerjaan?


50 responses



Rajah 1.5

Apakah tindakan yang boleh dilakukan untuk menangani kes sedemikian?


50 responses



Rajah 1.6

Apakah kesan-kesan yang berpunca daripada isu tersebut?


50 responses



Rajah 1.7

Kes rasuah berlaku daripada kekurangan integriti dalam seseorang.

50 responses



Rajah 1.8

Kesimpulan dan Cadangan

Pemalsuan ijazah demi mendapatkan pekerjaan bukan sahaja melanggar etika, tetapi juga mempunyai akibat undang-undang yang serius. Ini bukan sahaja memberi kesan kepada sesebuah organisasi yang berkemungkinan ditangkap menggajikan orang yang mempunyai kelayakan palsu, tetapi juga menjejaskan keyakinan orang ramai terhadap integriti industri secara keseluruhan. Penurunan kepercayaan ini boleh memberi kesan jangka panjang ke atas reputasi syarikat dan keseluruhan sektor ekonomi.

Salah laku sebegini bukan sahaja mencoreng citra individu yang terlibat, malah menjadi contoh buruk kepada masyarakat sekeliling. Hal ini juga akan menyebabkan wujudnya persekitaran di mana kejujuran dan integriti diabaikan dan lebih memihak kepada keuntungan peribadi. Bukan itu sahaja nilai moral yang menjadi kunci utama juga turut penting untuk pembangunan sosial dan profesional yang mampan namun diambil remeh disebabkan kurangnya nilai integriti dalam diri.

Dalam menghadapi tentangan pemalsuan ijazah, sesebuah organisasi mesti mengambil langkah yang proaktif untuk meminimumkan risiko sebegini berlaku. Sudah terang lagi bersuluh, pihak berwajib seperti pihak atasan sesebuah organisasi atau sebagainya perlulah memperkuat proses pengesahan sijil melalui kerjasama rapat dengan institusi pendidikan. Kerjasama yang lebih intensif adalah bertujuan untuk memastikan maklumat yang diberikan oleh pemohon adalah tepat dan sah. Kesannya, tidak akan ada golongan lepasan universiti yang terlepas peluang dalam mendapatkan pekerjaan.

Selain itu, terdapat keperluan untuk meningkatkan kesedaran tentang implikasi undang-undang dan etika pemalsuan ijazah. Tumpuan kepada kesedaran ini boleh dicapai melalui program latihan dan sokongan yang meningkatkan kefahaman tentang integriti dan nilai moral dalam persekitaran kerja. Malahan, sasaran kepada program tersebut adalah terbuka semua golongan terutamanya golongan lepasan universiti yang masih dalam mencari pekerjaan. Pengetahuan yang diperoleh dari program tersebut diharapkan dapat membentuk budaya perusahaan yang didasarkan pada etika pekerjaan yang kuat.

Tak tumbuh tak melata tak sungguh orang tak kata, penerapan teknologi juga dapat menjadi solusi efektif. Sistem otomatis dan alat verifikasi online dapat diterapkan untuk memperkuat proses pengesahan, menjadikannya lebih efisien dan dapat dipercayai. Dengan memanfaatkan teknologi canggih pada era globalisasi ini, sesebuah organisasi tersebut dapat meningkatkan tahap akurasi dalam melakukan verifikasi dan secara signifikan mengurangi risiko penerimaan karyawan dengan bukti kelayakan palsu.

Dengan mengambil langkah-langkah ini, diharapkan sesebuah organisasi tersebut dapat menciptakan lingkungan profesional yang didasarkan pada prinsip kejujuran, etika, dan kepercayaan. Ini bukan sahaja meningkatkan reputasi sesebuah organisasi, tetapi juga mengukuhkan integriti industri secara keseluruhan.

Senarai Rujukan

- Manap, J. (n.d.). Integriti Konsep dan Amalan
- Budak, J., Rajh, E., Slijepčević, S., & Maloča, M. (2023). CORRUPTION PRESSURE ON BUSINESS REVISITED: BRIBERY INCIDENCE IN EUROPEAN COUNTRIES. *Ekonomski Vjesnik*, 36(1), 15-30. doi:<https://doi.org/10.51680/ev.36.1.2>
- (2023, June 19). *CORRUPTION PRESSURE ON BUSINESS REVISITED: BRIBERY INCIDENCE IN EUROPEAN COUNTRIES* | *Ekonomski vjesnik/Econviews - Review of Contemporary Business, Entrepreneurship and Economic Issues*.
<https://hrcak.srce.hr/ojs/index.php/ekonomski-vjesnik/article/view/21599>
- *APA ITU RASUAH – MAJLIS PEBANDARAN MANJUNG*. (2023, May 3). Majlis Perbandaran Manjung. Retrieved November 20, 2023, from <https://www.mpm.gov.my/pusat-media/pengumuman/apa-itu-rasuah>
- *Apa Itu Integriti?* (2019, November 19). JKR Labuan. Retrieved November 20, 2023, from <https://labuan.jkr.gov.my/index.php/hubungi-kami/integriti/apa-itu-integriti>